

Chol moaison

*Adaptation : Jean-Marie François & Jean Caron - 2020
Sur l'air de « La maison près de la Fontaine » de Nino Ferrer
et des Feuilles mortes de Wladimir Cosma.*

Chol moaison tout preu d'chol capelle
Rimplie ed tchotes seuris
Qui couroait't din ch'guernier
Al sintoait boin l'greuseille
Pi l'pain d'épiche
Et l'mudjet fanè.

Chl'aprèzeut
Chl'éfance
Chl'éternité...

Autour y avoait l'silince
Chés wèpes et pi chés nids d'moénieux
Nous oz alloème à l'pèque
Aux épinoques avec Monsieur l'tchuré
O nos boaignoème tout nus, tout noérs
Avec chés tchotes nazuses pi chés canèrds.

Chol moaison preu d'chés HLM
O foait plache à chl'usine
Pi à ch'supermarché
Chés abes z'ont tè copès, pi cha sint
Chl'hydrogène sulfuré

Chl'essence
La djerre
El société...

*Ch'est eune moaison qui nos ersanne
Ti qui m'ainmoais
Mi qui t'ainmoais...
Os f'soait chochon, ambdeus, insanne
Ti qui m'ainmoais
Mi qui t'ainmoais*

Ch'n'est point si mal
Pi ch'est normal
Vu qu'ch'est l'progrès...